



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno MCCCCXLVII. ad annum MDXXVII.

Parisiis, 1644

XXIV. Quod ciuitas vel villa de qua clerici fuerint expulsi, subiaceant
interdicto.

urn:nbn:de:hbz:466:1-15644

terras, dominia, vel districtus, tunc prælatus vel iudex seu officialis teneantur mittere ad conuiciniorum episcopum vel metropolitanum processum huiusmodi, suo & duorum peritorum nominibus roboratum, qui, constituto sibi de legalitate processus, simpliciter & de plano, absque citatione seu audientia partis, literas suas testimoniales exinde impendant. Quo facto, omnes prælati super hoc requisiti teneantur interdicta huiusmodi in suis diocesis iuxta formam processus obseruare & obseruari facere.

XXIV.

Sanctorum patrum statuta proclamant, laicis disponendi de rebus ecclesiasticis nullam esse attributam potestatem, quos obsequendi manet necessitas, non auctoritas imperandi. In tantum tamen laicorum audacia inoleuit, quod in alienam messem falcem suam mittere non formident; taliaque præsumunt, per quæ ecclesiastica violatur libertas. Nam vt efficax rerum mater experientia manifestat, nonnulli domini temporales, iustitiarum, rectores, ciuitates vel communitates banniunt & expellunt de ciuitatibus, villis & terris suis, & in quibus curam gubernationis exercent, clericos in metropolitanis, cathedralibus & aliis ecclesiis dignitates & beneficia obtinentes, & aliis ingressum & aditum suarum ecclesiarum interdiciunt in diuini cultus detrimentum, & ecclesiasticæ libertatis derogationem. Ideo sacro approbante Concilio statuimus, vt nullus sæcularis dominus temporalis, cuiuscumque status aut dignitatis seu con-

ANNO
CHRISTI
1473

ditionis existat, iustitarius, rector ciuitatis, vel
 communitas, seu curam gubernationis exercens,
 vel quiuis clericus expellat vel banniat clericos su-
 pradictos, vel venientibus aditum liberum dene-
 get, quo minus in suis ecclesiis possint deseruire.
 Si vero contra prædicta vel eorum aliquod atten-
 tatum fuerit, propter expellentium, bannientium,
 vel eam admittentium culpam, ciuitas vel villa,
 in qua contra factum fuerit, ipso facto sit interdi-
 cta; & tamdiu in ea interdictum seruetur, donec
 expulsus vel bannitus fuerit restitutus, & veniens
 admissus, & de iniuria & damnis læso plene fuerit
 satisfactum.

XXV.

Ordinum collatio gratiose a sanctis episcopis
 est concedenda, cum præcipue ordo sit sacramen-
 tum spirituale. Præcipimus igitur vniuersis episco-
 pis nostræ prouinciæ, vt pro conferendis ordini-
 bus quibuscumque nihil penitus ante vel post, seu
 cum iidem ordines celebrant, exigant seu reci-
 piant, nec ianitores, barbitonfores & alios offi-
 ciales quidquam exigere seu leuare permittant,
 etiam pro sigillo & cera, sed gratis & liberaliter
 impendant. Notarii vero pro literis ordinum &
 reuerendis decem dumtaxat marabetinos recipere
 debeant; & si contra fecerint, quod receperint,
 duplicatum restituant sequenti Concilio applican-
 dum.

XXVI.

Ad tollendas ambiguitates, sacro approbante
 Concilio declaramus, pœnas contra beneficiatos
 indictas locum sibi etiam vindicare in obtinenti-

Concil. Tom. 34.

H ij